



ხელშეკრულება N

3172

ქ. თბილისი

თარიღი:

აპრილ

/ 4

/ 2014

### 1. ხელშეკრულების მხარეები

ერთი მხრივ შპს „მაგთივინი“, წარმოდგენილი მისი წესდების საფუძველზე მოქმედი აღმასრულებელი დირექტორის, გელა ბუთბაიას სახით (შემდგომში „შემსრულებელი“), და მეორეს მხრივ, სსიპ ქალაქ თბილისის #84 საჯარო სკოლის (შემდგომში „დამკვეთი“), წარმოდგენილი მისი დირექტორის მანანა ბაციკაძის სახით, ზოგადად „მხარეებად“ წოდებულნი, საქართველოში მოქმედი კანონმდებლობის თანახმად ვდებთ წინამდებარე ხელშეკრულებას შემდეგზე:

### 2. ხელშეკრულების საგანი

სპ - 39515440

- 2.1 „შემსრულებელი“ ამზადებს და ყიდის და „დამკვეთი“ ყიდულობს მზისგან დამცავი სისტემას ამ ხელშეკრულებით განსაზღვრული პირობებით, დანართი N1-ში მოცემული ჩამონათვალის შესაბამისად;
- 2.2 „დამკვეთისათვის“ მიწოდებული მზისგან დამცავი სისტემა სრულად უნდა შეესაბამებოდეს მასთან შეთანხმებულ დიზაინერულ (მხატვრულ) და კონსტრუქციულ მოთხოვნებს და მასალების არჩევანს;
- 2.3 „დამკვეთი“ წინამდებარე ხელშეკრულების ხელმოწერისას სრულად არის გაცნობილი ყველა იმ არსებით პირობებს, რომლებიც გავლენას ახდენენ მის არჩევანზე და მოცემულნი არიან წინამდებარე ხელშეკრულებაში.

### 3. ნაწარმის მიწოდების პირობები

- 3.1 „შემსრულებელი“ იღებს ვალდებულებას არაუგვიანეს 2014 წლის 10 აპრილისა, ამ ხელშეკრულებით განსაზღვრული პირობებით დაუმზადოს, აგრეთვე დამზადებული მზისგან დამცავი სისტემების მიაწოდოს და დაამონტაჟოს შესაბამის ადგილას - „დამკვეთის“ მიერ ამ ხელშეკრულებაში მითითებულ მისამართზე;
- 3.2 „შემსრულებელი“ მზისგან დამცავი სისტემების დამზადების ეტაპის დასრულების თაობაზე ატყობინებს ინფორმაციას დამკვეთს, რომელიც ვალდებულია, უზრუნველყოს „შემსრულებლის“ წარმომადგენლების (მემონტაჟების) დაშვება მითითებულ მისამართზე, სამონტაჟო სამუშაოების შესასრულებლად.

### 4. მომსახურების ფასი და გადახდის პირობები

- 4.1 წინამდებარე ხელშეკრულებით გათვალისწინებული მზისგან დამცავი სისტემების ღირებულება მოცემულია ხელშეკრულების დანართი N1-ში და ამ ღირებულების სრული ოდენობა შეადგენს 910 (ცხრას ათი) ლარი;
- 4.2 აღნიშნული ღირებულება მოიცავს ამ ხელშეკრულებით განსაზღვრული მზისგან დამცავი სისტემების დამზადებას, ტრანსპორტირებას და მონტაჟს;
- 4.3 „დამკვეთი“ ვალდებულია გადაიხადოს სრული ღირებულების არანაკლებ - 75% „შემსრულებლის“ მიერ მზისგან დამცავი სისტემის დამზადების ეტაპის დაწყების წინ, ამ ხელშეკრულების ხელმოწერიდან არაუგვიანეს ორი დღის ვადაში; ხოლო დარჩენილი - 25% მზისგან დამცავი სისტემების სამონტაჟო სამუშაოების დასრულებიდან არაუგვიანეს ორი დღის ვადაში;
- 4.4 ხელშეკრულებით გათვალისწინებული თანხების დროულად გადაუხდელობის შემთხვევაში, „დამკვეთი“ ვალდებულია გადაიხადოს ჯარიმა ყოველ გადაგადაცილებულ დღეზე გადაგადაცილებული დავალიანების თანხის 0,5% პროცენტის ოდენობით;
- 4.5 ჯარიმის გადახდა არ ათავისუფლებს მხარეს ამ ხელშეკრულებით ნაკისრი ვალდებულების შესრულებისაგან;



## 5. მხარეთა უფლება-მოვალეობანი

- 5.1 თითოეული „მხარე“ ვალდებულია დროულად შეატყობინოს მეორე „მხარეს“ ისეთი გარემოებების შესახებ, რამაც შესაძლოა ხელი შეუშალოს ამ ხელშეკრულებით ნაკისრი ვალდებულებების შესრულებას.
- 5.2 „დამკვეთის“ ხელშეკრულებაზე ხელმოწერით ადასტურებს მზისგან დამცავი სისტემის ვიზუალურ (დიზაინერულ) მხარეზე და აგრეთვე, გამოსაყენებელი მასალების ფაქტურის, ფერის, ხარისხის შეთანხმებული არჩევანის მიხედვით მზისგან დამცავი სისტემის დამზადებაზე თანხმობას. „შემსრულებლის“ მიერ მზისგან დამცავი სისტემის დამზადება იწყება „დამკვეთის“ მიერ ამ ხელშეკრულების 4.3 პუნქტში აღნიშნული ნაწილის გადახდის შემდგომ;
- 5.3 „შემსრულებელი“ უფლებამოსილია, მზისგან დამცავი სისტემების დამზადების დაწყების შემდგომ უარი განაცხადოს რაიმე ცვლილების შეტანაზე მზისგან დამცავი სისტემის დიზაინერულ თუ კონსტრუქციულ დოკუმენტაციაში თუ ამგვარი ცვლილებების ან/და დამატებების განხორციელება მოითხოვს მზისგან დამცავი სისტემის დამატებითი ხარჯების (მასალებზე ან სამუშაოებზე) გაწევას და იწვევს მზისგან დამცავი სისტემის ღირებულების ზრდას. ამგვარი გარემოებების არსებობის შემთხვევაში, მხარეთა შეთანხმებით ფორმდება ახალი ხელშეკრულება, ან ცვლილებებისა და დამატებების თაობაზე შეთანხმების ოქმი ამ ხელშეკრულების დანართის სახით;
- 5.4 „დამკვეთი“ უფლებამოსილია მოითხოვოს „შემსრულებლის“ მიერ დამზადებული და მის მისამართზე მიწოდებისათვის მომზადებული მზისგან დამცავი ნაწარმის ან მისი დეტალების ვიზუალური მხარის პირველადი დათვალიერება;
- 5.5 დამზადებული და „დამკვეთისათვის“ მიწოდებული მზისგან დამცავი სისტემების ამ ხელშეკრულებით განსაზღვრულ პირობებთან შეუსაბამობის შემთხვევაში „შემსრულებელი“ ვალდებულია საკუთარი ხარჯებით აღმოფხვრას აღნიშნული შეუსაბამობა;
- 5.6 დამკვეთისათვის მიწოდებული მზისგან დამცავი სისტემის საწარმოო ან/და მასალის წუნთან, ან შესრულების ხარისხთან დაკავშირებული პრეტენზია (რეკლამაცია) „დამკვეთმა“ უნდა წაუყენოს „შემსრულებელს“ მზისგან დამცავი სისტემის მონტაჟის დასრულებიდან 7 სამუშაო დღის ვადაში. „შემსრულებელი“ ვალდებულია არსებითად განიხილოს იგი (მთლიანად, ან ნაწილობრივ აღიაროს, ან მთლიანად თუ ნაწილობრივ უარყოს), მიიღოს გადაწყვეტილება პრეტენზიის მთლიანად ან ნაწილობრივ დაკმაყოფილების, ან ასეთ დაკმაყოფილებაზე უარის თქმის შესახებ და მიღებული გადაწყვეტილების შესახებ აცნობოს „დამკვეთს“, არა უგვიანეს ხუთი სამუშაო დღისა პრეტენზიის მიღებიდან;
- 5.7 „შემსრულებლისათვის“ საპრეტენზიო შეტყობინების (სარეკლამაციო განაცხადის) გაგზავნის მიზნით გახსნილია „მაგთივინის“ ხარისხის კონტროლის ცხელი ხაზი“ ტელ 2940000; ფაქსი. 952668; ელფოსტა info@magtiwin.ge; SMS ფოსტა \_\_\_\_\_. სარეკლამაციო შეტყობინებაში უნდა მიეთითოს დამკვეთის ნომერი (ხელშეკრულების ნომერი); „დამკვეთის“ სახელი და გვარი, მისი პირადი ნომერი; წუნის ან ხარვეზის მოკლე აღწერილობა.
- 5.8 „შემსრულებელი“ ვალდებულია, პრეტენზიის მთლიანად ან ნაწილობრივ დაკმაყოფილების შემთხვევაში საკუთარი ხარჯებით აღმოფხვრას წუნი ან/და შეცვალოს ნაკეთობის უზარისხო მასალა ან/და დეტალები;
- 5.9 ხელშეკრულებით განსაზღვრულ ვადაში მზისგან დამცავი სისტემის დაუმზადებლობის და მიუწოდებლობის შემთხვევაში, „შემსრულებელი“ უნაზღაურებს „დამკვეთს“ მიყენებულ ზიანს და უკან უბრუნებს ამ ხელშეკრულების შესაბამისად გადახდილ თანხებს, ასეთის არსებობის შემთხვევაში.

## 6. ხელშეკრულების მოქმედების ვადა

- 6.1 წინამდებარე ხელშეკრულება ძალაში შედის ხელშეკრულებაზე ორმხრივი ხელმოწერის დღიდან და მოქმედებს „მხარეთა“ მიერ თავიანთი ვალდებულებების სრულად და ჯეროვნად შესრულების თარიღამდე.

## 7. ფორს მაჟორი

- 7.1 თუ რომელიმე „მხარის“ ვალდებულების შესრულება ფერხდება ან შეუძლებელია „მხარისათვის“ დაუძლეველი ძალის გარემოებათა გამო და გამოწვეულია - სტიქიური ან ტექნოგენური კატასტროფით, ხანძრით, წყალდიდობით, საომარი მოქმედებებით, სახელმწიფო აქტით ან სამთავრობო გადაწყვეტილებით, და ა.შ. და თუ ეს მოვლენები და გარემოებები დადგა ან განვითარდა ხელშეკრულების ხელმოწერის შემდეგ, „მხარე“ დროებით, ამგვარი გარემოებების ლიკვიდაციამდე, თავისუფლდება პასუხისმგებლობისაგან;



- 7.2 ფორს მაჟორული გარემოებების გამო „მხარის“ მიერ ნაკისრი ვალდებულებების შესრულების ვადა გაგრძელდება დაუძლეველი ძალის გარემოებათა მოქმედების ვადით;
- 7.3 „მხარე“, რომელიც აღმოჩნდა ფორს-მაჟორულ გარემოებებში, ვალდებულია ფაქტის დადგომიდან 3 დღის განმავლობაში წერილობით შეატყობინოს მეორე მხარეს აღნიშნულის თაობაზე. ამასთან, „მხარე“ ვალდებულია წარმოადგინოს უტყუარი და ობიექტური მიზეზი, რომელიც განაპირობებს ნაკისრი ვალდებულებების შესრულებას;
- 7.4 თუ დაუძლეველი ძალით მოქმედება გრძელდება ერთ თვეზე მეტ ხანს, „მხარეებმა“ უნდა გადაწყვიტონ ხელშეკრულების მოქმედების მიზანშეწონილობა;

#### 8. დავების გადაწყვეტა

- 8.1 „მხარეთა“ შორის წარმოქმნილი ყველა დავა უთანხმოებება და პრეტენზიები გადაწყდება ურთიერთშეთანხმების გზით. შეუთანხმებლობის შემთხვევაში დავას განიხილავს საქართველოს სასამართლო მოქმედი კანონმდებლობის შესაბამისად;

#### 9. დასკვნითი დებულებები

- 9.1 დაუშვებელია მოცემული ხელშეკრულების რომელიმე დებულების შეცვლა, მოდიფიცირება, უარყოფა, გაუქმება ან შეწყვეტა „მხარეების“ წერილობითი შეთანხმების გარეშე;
- 9.2 „მხარეები“ ადასტურებენ, რომ წინამდებარე შეთანხმება არ შეიცავს ბუნდოვან დებულებებს და რომ ისინი სრულად ეთანხმებიან და იზიარებენ მათ;
- 9.3 ხელშეკრულება შედგენილია ორ, თანაბარი იურიდიული ძალის მქონე ეგზემპლარად ქართულ ენაზე, რომელთაგან თითო ეგზემპლარი ინახება თითოეულ „მხარესთან“.


#### 10. მხარეთა იურიდიული მისამართები

##### „შემსრულებელი“

შპს „მაგთივინი“  
მის.: აღმაშენებლის 119/1  
ტელ.: 2940000, 2943179, ფაქსი: 952668  
ბანკის კოდი: CBASGE22  
ანგარიშის ნომერი: GE40BS000000000636151  
ს/კ 204878622

##### „დამკვეთი“

სსიპ ქალაქ თბილისის #84 საჯარო სკოლა  
მის: ქ. თბილისი, წურჭუმის ქ. 17  
ტელ: 2 779080  
ბანკის კოდი: LBRTGE22  
ანგარიშის ნომერი: GE98LB0121150845844000  
ს/კ 206 031 667





მაგთივინი  
Magtiwin

ხელშეკრულება N 3172  
თარიღი: ახილ / 7 / 2014

დ ა ნ ა რ თ ი N1

|   | მზისგან დამცავი<br>ნაწარმის დასახელება | რაოდენობა (კვ. მ) | ერთეულის ფასი<br>(ლარი) დღ-ს<br>ჩათვლით | სრული თანხა (ლარი)<br>დღ-ს ჩათვლით |
|---|----------------------------------------|-------------------|-----------------------------------------|------------------------------------|
| 1 | ვერტიკალური<br>ფარდა-ჯალუზი            | 26                | 35                                      | 910                                |
| 2 |                                        |                   |                                         |                                    |
| 3 |                                        |                   |                                         |                                    |
| 4 |                                        |                   |                                         |                                    |
| 5 |                                        |                   |                                         |                                    |